



浙江圖書館



浙江圖書館



浙江圖書館



浙江圖書館

鴻猷錄序

余官西曹時吏館務希簡

寡交游更不喜飲酒長日索

居無事也日欲取讀古書乃

宦邴苦乏書曷時從所知借

讀不多得顧自思曰孔子不



說夏殷之禮而願學宗周遵  
時也豈有身通仕籍而不知  
時政者乎則取  
國朝往謀縱觀之其歷代實  
錄藏諸石渠天祿祿者秘不可  
得見惟是諸先臣之紀述傳

誌暨諸書疏案牘無不參  
考訂後稍稍得書要領於是  
我太祖之開創圖丕基我  
成祖之肅清注內難下及  
歷代之誅戮權姦翦除盜  
賊討伐蠻夷彙括二百年  
間得其可

紀者凡六十餘事皆

國家之重務經畧之偉績也

第撰述非一人手文辭不盡

雅馴或間見錯出事始末不

備其載在刑書者又皆法家

語學士大夫不便覽觀也乃

以暇日稍論次屬事比雜  
荒飾陋勒成一館家之言命胥  
史錄而為帙錄既成竊有感  
而言曰天生五材誰能去兵  
我

浙

皇祖之開創勞心金革者二

十餘年而後大業底定暨天  
下一統可謂審中啗大長治  
久安古今所希觀也而承平  
之世學孽易萌圖姦究草竊時  
或有之蓋未有十年不試兵  
革者乃知黃帝蚩尤之戰高


宗鬼方之伐雖古帝王豈能  
偃兵甲於不用窺然多難  
興邦殺憂啓聖前事之得失  
後事之明鑒也注故思創業之  
艱難則必嚴保漸太之訓觀守  
成之功烈則必慎防患之嗇

赫赫鴻猷誠萬世定保之謨  
也錄之豈獨為識往已哉遂  
名之曰鴻猷錄其聞見之寘  
陋詮次之謬訛則有俟於博  
雅君子云

浙

嘉靖丁巳冬仲月望日京山

高岱撰



浙江圖書館



浙江圖書館

鴻猷錄目錄

第一卷

龍飛淮甸

集師滁和

定鼎金陵

第二卷

延攬群英

褒顯忠烈

宋事始末

浙江圖書館

平定東南

平定東南

第三卷

克陳友諒

第四卷

克張士誠

平方谷琮

平陳有定

輯撫兩廣

第五卷

浙江圖書館

乙

北伐中原

克取元都

畧下河東

戡定關隴

夾攻巴蜀

第六卷

北征沙漠

廓清滇南

四夷來王

浙江圖書館

鳥大...  
鳥大...  
鳥大...

封賞功臣

正位分藩

第七卷

封國燕京

靖難師起

轉戰山東

再出河北

第八卷

長驅金陵

浙江圖書館

入正大統

三犁虜庭

第九卷

平定交趾

開設貴州

征漢庶人

麓川之役

平福建寇

第十卷

館

書

圖

江

平處州寇

已巳虜變

南內復辟

石亨之變

第十一卷

誅曹吉祥

平兩廣蠻

平固原寇

開設鄭陽

館

書

圖

江

道

第十二卷

安化之變

劉瑾之變

平江西寇

平河北寇

第十三卷

勦平蜀盜

興復哈密

勦清平苗

浙江圖書館

再平江西

第十四卷

平柳桂寇

討寧麻人

江彬之變

撫定大同

第十五卷

誅滅岑猛

再定大同

浙江圖書館

再平蠻寇

第十六卷

勘處安南

平湖貴苗

追戮仇鸞

浙江圖書館

浙江圖書館



浙江圖書館

鴻猷錄卷一

京山高橋編輯



龍飛淮甸

書館

高皇帝先世江東句容人 大父熙祖渡淮家泗州 父

仁祖偕 陳太后始遷濠之西鄉復遷太平鄉生四子長

南昌王今靖江王其後也次盱眙王次臨淮王俱無後

高皇帝季子也陳太后嘗夢神人朱衣象簡餽丸藥燁然

有光吞之覺聞異香遂娠焉及期生 高皇帝誕生之夕

紅光燭天里中人疑失火旦日多走視之異香經宿不散

時元大曆戊辰九月十八日也使人詣河取水浴之得紅

羅水上漂之遂取為衣祿後人名所居紅羅障云自是室

中時時有異光迫視之無所見帝生數日病不飲乳

仁祖出求醫歸見一僧坐於閤仁祖告之故僧曰亡慮

夜子時自飲矣仁祖稱謝既入僧忽不知所在半夜果

愈帝少苦多病仁祖欲度為僧陳太后不欲也至

正甲申疫癘大作仁祖陳太后俱不祿鄰人張某與

地葬之南昌王臨淮王亦先後歿歲旱蝗盱眙王徙他

境未幾亦歿。帝時年十七，無所依，乃從汪媪，議遵先志，託身皇覺寺。媪為具少儀物，得禮寺僧高彬為師，居寺。再閱月，多奇徵，眾頗異之。亡何，寺主僧以歲儉乏食，遣徒眾令各散去。帝乃出遊江淮，西歷金斗，東抵光息，北至潁川，嘗道中病，見二紫衣人與同寢，食病愈，失所在。又夜行，陷麻湖中，有群兒謹云：「迎聖駕。」叱之，無所見。數年乃復歸皇覺寺。寺殘廢，不可居。時元至正壬辰，汝穎蕪黃盜起，韓山童始倡亂，山童被擒，劉福通等擁山童子韓林兒，侵掠汝寧光息等郡縣。又有芝麻李、徐壽輝等，皆強盛，定遠郭

子興起兵與孫德崖等據濠城掠境內民日望官兵救不至及元將徹里不花率三千騎至偕守臣營城南三十里不敢進顧日掠取居民以絳繫首目為盜獻俘請功賞居民始大懼多謀入城反拒官兵者於是城守益堅官軍日肆掠不已帝時年二十五屠皇覺寺見民多被掠甚恐乃以琰禱于寺伽藍曰若神許出境以全生琰當以陽報守不出以一陰一陽報三祝投琰皆陰帝乃祝曰豈欲予倡義邪果若是請復陰之琰投果復陰帝又祝曰倡義事凶予甚恐願求陽琰以避難琰則仍陰更祝投之乃

者  
二字了

一攻卓立。帝意遂決。以歲壬辰閏三月初一日入濠城。至門守者執之。面被創良久。以居兩月。得為親。以兵。孝慈皇后妻之。九月元丞相脫脫攻破芝麻李于徐州。其黨趙均用彭早住率眾奔濠州。脫脫命其將賈魯追圍之。彭趙以其素強盛。名位軋郭上。郭漸為所制。一日彭趙執郭下獄。帝聞之曰。吾再生父母也。有難可不赴邪。遂入其家為營。救明日彭趙聞釋之。癸巳春元將賈魯死。兵皆散去。濠城圍解。時帝在郭甥館。乃出城于里中。招兵數百人入獻之。郭帥授帝官鎮撫。冬彭

趙據濠城稱王其部下多凌轢濠衆帝度不可振乃說  
郭元帥以南收兵遂棄所部數百人獨率壯士徐達等二  
十四人辭出畧定遠嚮滁和矣

論曰古稱順天應人莫如湯武者然首陽之譏不免慙德  
焉至漢高帝起泗上亭長誅無道秦君子謂得國之正也  
而秦亦世為中國諸侯王嚮非恣暴虐民其帝天下固當  
即漢高不為亭長非秦民耶惟胡元以沙漠入主中國此  
亘古所未有之變其屈中國而臣之者勢也非分也凡在  
華族皆可起而逐之况我聖祖家世未受元一命應運

而起豈不名正言順迥出湯武漢高上邪故其祭元切主

而起豈不名正言順。迥出湯武漢高上邪。故其祭元切主  
之文曰：予取天下，還吾中國之所固有。爾失天下，棄爾朔  
漠之所本無。即元主聞之，當無憾矣。史臣頌其功高萬古，  
信不誣哉。其 聖子 神孫，嗣鴻業於無疆者，固有自也。

集師滁和



上既辭郭元帥，率徐達等二十四人，以癸巳冬出濠城南，  
畧定遠，有衆數百人。甲午春，定遠有民兵團結，號驢牌寨，  
無所屬，且乏食。聞上將至，欲以衆從。上聞之，曰：機不  
可失也。選壯士，費聚等數騎，從往招之。寨帥遣二使出問。

白來者何為。上使使答曰：來與主帥議事耳。主者請屏

騎從。上下馬前渡冰，徑入寨與其帥相見，諭慰之，解佩

囊為贈。帥獻牛脯，許以衆從之，相與申密約。上還恐其

不決，留聚俟之。且促令治裝，越三日，聚還告曰：事不諧矣。

彼且欲他往。上即率聚等圖百人，抵其營，計取之，得壯

士三千餘人。又有秦把頭者，集衆八百餘人，結寨於定遠。

豁鼻山，復以義招降之。定遠繆大亨初集兵為元攻濠城，

不克，元兵潰去。大亨率其衆二萬屯橫澗山。六月，上命

花雲等率衆夜襲破之。大亨舉衆降。時吳復馮國用丁德

... 衆保鄉里間。上畧地至定遠，遂界各寨，所部歸附。

興皆集衆保鄉里間。上畧地至定遠界，各率所部歸附。又聞洪山寨有衆數千，上率諸將往收取，丁德興獨麾所部下百人先乘之一鼓即下，擒其帥衆皆降。於是上畧定遠，兵至數萬人，軍聲頗振。豪傑響應，七月，上率衆往取滁州，以花雲為先鋒，單騎前，行道遇賊數千人，顧從騎遠，欲返，恐敵乘之，雲乃提劍躍馬衛上，直衝敵陣，過之，敵驚視不敢禦，曰：「黑將軍，軍勇甚，未可與爭鋒也。」抵滁州，衆大至，遂進克其城，駐師焉。上伯兄南昌王有子文正，先是從其母避亂徙他境，與上相失。姊曹國長公主卒。

有子李文忠從其父隴西王禎走亂軍中至是聞上駐  
師滁陽皆來歸上喜甚屬孝慈皇后俱子畜之時郭  
元帥在濠州為彭趙二帥所制挾之東徙屯泗州上聞  
遣人賂彭趙令縱郭得脫率所部來就上滁州上奉  
為滁陽王稟其節制十月元丞相脫脫討張士誠分兵圍  
六合六合帥遣使來求救滁陽王與六合帥有隙不發兵  
使者告六合圍急上謂王曰六合無救必破破則及滁  
豈可以小憾而憤大事王意解欲他遣將以兵往時元兵  
號百萬諸將莫敢往者皆託以禱神弗吉為辭王乃遣

上行亦令禱神

上曰事可否當斷於心何禱為遂帥師

往援六合先是趙德勝與元兵戰不利流矢中左股上

至乃與耿再成據瓦梁壘為六合聲援元兵急攻之壘垂

破會日暮元兵解去明日復完壘與戰如是者數四未幾

元兵大至將攻滁上欲還救滁恐元兵乘之乃以計給

元將倉猝列隊出元兵相視錯愕不敢逼乃徐引去還滁

州元兵將至滁上設伏澗側令再成佯敗誘之渡澗伏

發城中亦鼓譟出夾擊之元兵大敗去滁城以全時上

威名日著滁陽王二子忌之乃約期招上飲而陰置毒

酒中。上預知其謀，二子來邀。上即偕之往，二子喜謂

墮其計也。中道，上躍馬佯仰視天，若有所語者，即回馬。

恚詈二子曰：「吾何負爾，爾欲害我邪？」二子問故。上曰：「適

空中神人謂我勿往，爾欲以毒酒謀殺我。」二子大駭，汗浹

背，下馬拱立曰：「豈有此遂遂巡去然心，謂果有神祐告者。」

自此不敢萌異志。云有方士彌鐵冠道人精數學，來謁

上曰：「天下擾擾非命世之才不能安也。以今觀之，其明公

乎？」上問之，對曰：「明公狀貌非常，龍瞳鳳目，天地相拱，五

岳俱附，日月麗天，附骨入髮，音吐洪暢，貴不可言，但滯氣

未散待神采煥發即受命日也。滁陽王御諸將言事多失  
上數獻計不用。因鬱鬱每以疾辭事。乙未正月諸將以城  
中乏糧欲議所往。王召上問計。上曰：困守孤城誠非  
策。今欲謀他向。惟和陽可。和陽城小而堅。可以計取。難  
以力勝。王曰：計將安出。上曰：今選勇敢士三千。令青衣  
垂髻左衽。佯為元兵。以四橐駝載賞物。使人聲言廬州兵  
送使者入和陽。宣犒將士。和陽兵見必納之。無疑。因以絳  
衣兵萬人踵其後。相距十餘里。候青衣兵薄城。舉火為號。  
絳衣兵即鼓行進取之。必矣。王曰：善。命張天祐、湯和等將

青衣兵趙繼祖為使者前行，耿再成將絳衣兵繼之。會天祐等就食他道，失期不至，再成兵候之過期，不見舉火。意天祐等已入城，遂率眾抵城下。元守將也先帖木兒閉城禦之，以飛橋繼兵出戰，再成不利，中流矢走。元兵追三十餘里，至千秋壩。日暮收兵，還會天祐兵，至擊元兵，敗追至和州小西門。湯和奪其橋而登，將士從之，遂入據其城也。先帖木兒乘夜遁去，再成等不知天祐入和陽，敗兵歸報。滁陽王謂天祐眾已陷沒，王大驚咤。上失策，俄報元兵至滁州，遣使來招降王益恐，召上與謀。時兵皆出遠城。

中守備單弱。上令合淝三門兵于南門，使填塞街市。呼元使者入，叱令膝行見王。王諭之多失辭。上每翌之衆，欲殺使者。上曰：兵出城虛，若殺其使，彼謂我怯，故殺之，以滅口。是速其來也。不如恐以大言，縱使去，彼必憚不敢進。王從之。明日元兵果解去。王時猶未知。天祐等叛和陽，命上率二千人往收敗卒，仍規取和陽。再成等敗兵聞上來，復集得千餘人，合所將三千人。上率徐達、李善長等先進，暮抵城下。始知天祐等已據和州。上入城撫定之。王遂命上總和陽兵。上聞諸將破和陽時多殺掠。

民間夫婦不相保，乃召諸將士諭之曰：軍無紀律，何以安衆？凡軍中所掠婦女，當悉還其家，民大感悅。上既總大兵，謀斷出諸將，右諸將多滁陽王舊部，曲未盡服，惟湯和率所部聽命甚謹。李善長委曲調護諸將，使不為異。上與天祐等分甌和陽城，計城廣袤，限以丈尺，刻期各完。所事城完，元兵十萬來攻。上與天祐以萬人擊却之。時元太子禿堅樞密副使絆任馬，抵兵元帥陳也先，各遣兵分屯高望、新塘、青山、鷄籠山等處，道梗不通。上率衆出城，皆擊走之。元兵乘上出，復攻城。李善長督兵擊却之，殺

獲甚衆元兵遂走渡江時濠帥孫德崖乏糧率所部就食  
和州求入城寄居數月滁陽王舊與德崖有郤聞之怒自  
滁來和欲禦之德崖聞王至即欲他往衆先發德崖後  
上先送德崖軍出城行二十里忽城中報德崖為王所執  
上聞欲亟還德崖軍忿怒亦留圖上為質德崖弟欲加害  
有張姓者力救免王聞上被留大恐遣徐達等數人往  
易上張姓者復諭其衆歸折上上還王釋德崖去徐達  
等亦脫歸滁陽王以譎悸寢疾三月卒上併統其軍時  
諸雄惟劉福通等擁韓林兒衆最盛林兒號小明王亡何

皇帝國號宋都亳州改元龍鳳聞滁陽王卒遣人檄召和  
陽諸將衆議兵勢孤無援未可獨抗元師乃推張天祐往  
受宋命宋遣天祐還拜滁陽王子郭某為都元帥張天祐  
為右副元帥上為左副元帥上曰大丈夫寧受制于  
人邪却不受郭某天祐受之圖何與元兵戰俱敗死上  
獨領和陽兵然亦遙藉韓林兒聲援文檄用龍鳳紀年  
上駐和陽久欲東渡江取金陵患無舟楫適巢人廖永安  
俞廷玉等聚舟師巢湖結水砦自保會妖賊左君弼據廬  
州永安等為所窘聞上威名欲內附遣使以書納款乞

兵援之。上得書大喜曰：吾衆已數萬方欲渡江，苦乏舟楫。

今永安等以舟師來附，天贊我也。即以夏五月親率兵

至巢湖，永安等迎。上登舟出湖口，至桐城間，已脫敵險。

元中丞蠻子海牙集樓船塞馬腸河口為梗，又衆中有趙

普勝者欲異，而永安等密露其機。上以兵寡不能驅衆

謀脫歸，以大衆脅取之，乃聲言歸。裴和陽兵攻元師，遂以

高舟多載猛士，復至黃墩，督水軍兵共攻蠻子海牙，大敗

之。敵兵退，普勝不敢，而湖口水澁，舟未得入江。會大雨

水漲，遂發舟至潯陽橋，衆恐舟大不能度橋，下比至纜餘

分寸永安等遂得以舟師入大江從上直趨和陽於是舟楫具備軍威大振上遂定渡江之計

論曰我聖祖之駐滁和為取金陵計耳蓋金陵非大眾未易克而衆非滁和豈能久集邪故畧定遠以集衆據滁和以俟時其施為節度胸中皆已有成算蓋即兵家先取後堅之術也其與游兵四畧志在子女玉帛者豈可同日語哉乃居濠城不能展布尺寸及出濠至定遠即有衆數萬駐滁陽鬱鬱不自得辭滁而和則能大振軍威乃知蛟龍雖不能不藉雲雨而騰躍變化終不可以受制于人使

漢高不遣入關光武不遣徇河北則亦更始淮陽之牙將  
耳其何以自見哉又曰郭元帥于我 聖祖雖有翬植之  
恩而我 聖祖所以報之者亦篤至矣方彭趙之劫郭亦  
屢窘我 聖祖屢計脫而賂全之。又以其所自創立之滁  
陽奉為主帥。此豈人情所易能哉。况王祀滁陽廟食百世  
此又更始淮陽之所未有也。江

定鼎金陵

上初得馮國用問定天下大計國用曰金陵龍蟠虎踞真  
帝王之都願先拔金陵定鼎然後命將四征掃除群寇倡

仁義以收人心。天下不難定也。上悅曰：吾意正如此。其後駐滁，州徙和陽。久，廖永安等以舟師來附。上意乃決。遂以乙未夏六月，率諸將渡江。嚮采石時，西北風順，諸將舳艫齊發，舉帆頃刻，達牛渚。上先抵采石磯，元兵陣于磯上，勢甚銳。上麾將士進，未有登者。乃拊常遇春背曰：軍中皆推爾勇畧，勉之。遇春荷戈躍而登，諸將從之。元兵却，遂拔采石磯，乘勝進取太平。路元守臣遁。上發采石時，令李善長為戒，輯軍士榜文及入城，即揭榜通衢。士卒皆愕然，有一卒違令入民家，即斬以徇。軍中無敢剽掠城

中肅然。太平者，富國安李羽等率父老出迎，安見上，火

中肅然太平耆儒陶安李習等率父老出迎安見上狀  
貌謂衆曰龍姿鳳質非常人也我輩今有主矣上召安  
與議事安曰方今四海鼎沸豪傑並爭攻城屠邑互相雄  
長然其志皆在子女玉帛非有撥亂救民安天下之心明  
公率衆渡江神武不殺以此順天應人而行吊伐天下不  
足平也上曰足下言甚善吾欲取金陵如何安對曰金  
陵古帝王之都龍蟠虎踞限以長江之險取而有之據其  
形勢出兵以臨四方何向不克此天所以資明公也上  
嘉納之厚遇安俾領密議置太平興國翼元帥府改太平

路為太平府以李習知府事諸將奉 上為大元帥以李

善長為帥府都事汪廣洋帥為府令史陶安參幕府事仍用

宋龍鳳紀年旗幟等色尚赤時初得太平四面皆元兵元

將陳也先與蠻子海牙日窺伺 上用吳昇計籍鄉兵令

居民蓄積皆徙入城既而陳也先水陸分道寇城下 上

親督兵禦之設伏襄城橋命徐達鄧愈將奇兵遠出其後

也先攻城見有黃雲罩城上驚退去為伏兵所擒 上釋

而用之使帥兵攻臺城也先復謀叛誅之八月命徐達等

分道取溧陽溧水句容蕪湖等處皆下之陳也先既誅其

子兆先復集兵屯方山蠻子海牙復擁舟師結寨采石相  
倚角畜太平丙申二月我師攻蠻子海牙斃破之時將士  
雖皆渡江其家屬尚留和州元兵據采石南北道阻不通  
上命常遇春攻采石遇春以奇兵奪其勢而親以正兵與  
之合兵交則出奇兵擣之且縱火焚其連艦遂大破之蠻  
子海牙僅以身免自是元兵扼江之勢衰矣三月朔師嚮  
金陵上率諸軍水陸並進檄陳兆先兵擒之降其衆復  
釋兆先而用之擄降兵驍勇者五百人置麾下衆多懷疑  
懼上令是夕皆入宿衛環上寢悉屏去舊人獨留馮

國用侍卧榻側。上解甲酣睡。達旦。眾始安。是月十日進  
 攻金陵。馮國用率新降五百人先登陷陣。敗元兵于蔣山。  
 直抵城下。諸軍拔柵競進。遂破之。元南臺御史大夫福壽  
 力戰死。上入城深嘉其忠。命具棺衾禮葬之。乃召官屬  
 父老諭之曰。元失其政。所在紛擾。兵戈並起。生民塗炭。吾  
 率眾至此。為民除亂耳。汝宜各安職業。毋懷疑懼。賢人君  
 子。有能相從。立功業者。吾禮相之。舊政不便。民者除之。於  
 是城中軍民相慶。慰得兵民五十餘萬。改集慶路為應天  
 府。得儒士夏煜。孫炎。楊憲等十餘人。皆錄用之。置天興建

元帥... 以... 永安... 為... 統... 兵... 元... 帥... 上... 欲... 發... 兵... 取... 鎮... 守...

廣翼元帥府以廖永安為統兵元帥。上欲發兵取鎮江。

恐諸將不禁戢士卒，乃召一二人嘗縱軍士剽掠者，數其罪，欲置之法。李善長懇救，乃免。遂命徐達為大將軍，率湯和等浮江下，取鎮江。戒之曰：爾等當體吾心，戒戢將士。城下之日，毋焚掠，毋殺戮。有犯令者，處以軍法。縱之者必罰無赦。達等頓首受命。十七日，兵至鎮江，逼其城。俞通海西破牌灣寨，城中聞之，大恐。守臣平章定定遁去。即日克其城，兵不血刃。號令嚴肅，城中晏然。達分兵下金壇、丹陽諸縣。六月，以華高為秦淮翼元帥，與鄧愈等徇廣德。廣德守

臣陳兵城外以待高以數騎挑戰元兵堅壁不動高麾衆奮擊大破之元兵敗入城高率衆力攻破其城得兵萬人糧數萬斛七月置江南行中書省諸將奉 上為吳國公以李善長為叅議官郭景祥陶安為郎中分曹任事遂置前後左右中翼五元帥府以張彪華雲龍唐勝宗陸仲亨鄧愈陳兆先王玉陳本等為元帥

論曰自古帝王創業皆先定中原而後跨有東南未有起東南而後取西北者有之自我 聖祖始乃知 聖人受命豈擇地而興哉夫我 聖祖龍飛淮右與漢高之起豐

沛地不甚相遠然漢高首事此向宋宋我 聖祖且開若向

沛地不甚相遠然漢高首事北徇梁宋我 聖祖開拓南  
取金陵則勢有所不同耳嬴秦世載其虐天下欲亟亡之  
故先破關中而後削平海內元官綱解紐群雄並爭民所  
顧不先于元故先芟群雄而後北逐元主此緩急殊勢故  
南北之異趣也况當時福通據潁亳天完擾荆楚士誠擅  
吳會而金陵形勝之都群雄不知計取豈非天所以資  
皇明者乎蓋自定鼎金陵而我 聖祖之混一規模可預  
知矣

鳴獸錄卷二

鳴獸錄卷一



浙江圖書館

鴻猷錄卷二

京山高低編輯

館

書

延攬群英

△○

癸巳春 上年二十六在郭元帥軍中先是濠城被圍元  
 將賈魯死圍解 上白郭元帥歸集鄉里壯士得徐達等  
 入城達少 上一歲智勇絕倫 上首得達專任之既乃  
 徐州將彭早住趙均用來奔濠城郭元帥為所制 上察  
 知其不可有為乃白郭元帥欲南畧地遂率徐達湯和吳

良吳禎花雲陳德顧時費聚耿再成耿炳文唐勝宗陸仲  
 亨華雲龍鄭遇春郭興郭英胡海張龍陳桓謙成李新材  
 張赫張銓周德興等二十四人出南畧定遠二十四人者  
 皆濠人甲午春上破橫澗山元義兵將繆大亨以衆二  
 萬降上至定遠馮國用與弟國勝率衆歸附二人少皆  
 喜讀書明孫武兵法因亂衆推爲義兵長保鄉曲至是來  
 謁上竒之曰爾被服其儒生邪因問計國用對曰金陵  
 龍蟠虎踞真帝王之都願先拔金陵定鼎然後命將四征  
 討除群寇救生靈於水火勿貪子女金帛天下不難定也

上  
 大  
 弟  
 官  
 衛  
 左  
 定  
 遠  
 人  
 李  
 善  
 長  
 來  
 謁  
 上

上大悅令兄弟皆宿衛左右定遠人李善長來謁 上一

見知其為長者禮之與語竟日皆合留置幕下掌書記嘗

從容語之曰吾觀群雄中持案牘謀事者多訾毀將士將

士弗得效其能事多欺主者亦安得獨存汝宜用為鑒務

協和諸將以成功也合肥人吳復性沉鷲寡言笑勇畧過

人遇亂聚衆保鄉里聞 上至率所部來謁 上俾領前

鋒定遠人丁德興驍勇善戰偉貌黑面來歸 上上以黑

丁呼之令從征洪山寨德興先登破之七月濠州趙德勝

來謁德勝狀貌魁偉膂力過人能馬上運槊如飛郡縣選

為義兵隊長德勝知時事不可為棄之來歸 上以為悵  
前先鋒兄子朱文正姊子李文忠先是各避亂徙他境與  
上相失及聞 上駐師滁州皆來歸先是定遠人沐英八  
歲遭兵亂失父母無所依 上憐其孤與 高皇后撫之  
至是并文忠等皆育為子賜文忠英姓朱氏擇師教之軍  
中稱文忠保舍英沐舍云虹縣胡大海長身鉄面勇力過  
人來見 上于滁 上一見語合用為前鋒濠州孫興祖  
剛毅有膽氣王志猛鷲多智畧二人年皆十九俱來歸定  
遠茅成含山仇成二人皆驍勇有膽畧來見 上上悉留

置麾下乙未 上駐和陽虹縣營愈少魁偉有大志勇畧

自負年十六從父兄起兵父兄皆戰沒愈代領兵衆服其

勇率所部來附 上命充領軍總管濠州常遇春性剛毅

體貌竒偉智勇過人年二十三為群雄劉聚所得寵遇之

然聚事剽剽無遠備遇春知其無成率所部數十人棄聚

來歸未至困臥田間夢金甲神人蹴之起曰主君來忽寤

見 上至即伏謁 上壯之用為前鋒 上欲謀渡江乏

舟楫時巢湖有水軍將巢縣廖永安與其弟永忠俞廷玉

與其子通海通源通淵趙伯仲與其弟庸合肥張德勝葉

昇無為桑世傑含山華高皆集舟師結水寨自保會妖賊  
左君弼據廬州永安等與戰不勝為所窘聞 上駐師和  
陽欲歸附又元兵阻江上為梗乃遣使間道納款 上率  
諸將以兵往取之遂以永安等歸和陽適巢縣金朝興亦  
率眾來附朝興驍勇有謀既得諸將遂決計渡江六月朔  
上率諸將渡大江攻采石兵破太平耆儒陶安李習迎見  
上召安與語安曰方今四海鼎沸豪傑並爭然其志皆在  
子女玉帛非有撥亂救民之心明公率眾渡江神武不殺  
以此順天應人而行吊伐天下不足平也 上悅曰吾

欲取金陵何如安言金陵宜取狀

上遇安甚厚令預密

以此順天應人而行吊伐天下不足平也  
上悅曰吾

欲取金陵何如安言金陵宜取狀 上遇安甚厚令預密

議以李習知太平府事太平城初破郡將吳昇帥衆降

上曰吾聞汝江右名賢也即用為領兵總管昇謝曰主公

欲取天下莫如恤軍安民何征不服 上善之遂用其計

籍鄉兵堅城守太平以安合肥人楊璟儒家子讀書不喜

章句好武畧因亂聚衆保鄉里聞 上取太平率衆渡江

來歸授管軍萬戶 上既破滅陳也先其子兆先復集兵

屯方山丙申三月 上率諸軍進取金陵復破方山營擒

兆先釋而用之元將康茂才蘄州人結義兵悍寇江上累

功遷都元帥我師渡江大破之常遇春兵盡殲其精銳茂  
 才收合潰散屯天寧洲我師又破之茂才奔金陵上既  
 取金陵茂才欲奔鎮江我師追及之茂才度天命有歸率  
 所部三千人降頰首言前日之戰各為其主今日屢敗天  
 數也事至于此死生惟命上笑而釋之令統所部兵從  
 征上遣徐達等下鎮江謂達曰鎮江有秦元之者才器  
 老成可用爾入城為吾訪之元之名從龍仕元為行臺侍  
 御史會兵亂以老辭位居鎮江達至訪得之因從龍從孫  
 永在軍中即遣婦報上命文正文忠以白金文綺往聘

之後劉至  
 上親出城迎  
 入殿與同處  
 朝夕咨訪時  
 政常

之從龍至。上親出城迎入，邀與同處，朝夕咨訪時政，常稱為老先生而不名。定遠人王弼有膂力，膽畧過人，善用雙刀，因亂集鄉里壯士，結寨于三臺山，率所部來歸。上命宿衛帳下。丁酉四月，上親督師下寧國，執元將朱亮祖、亮祖六安人為元義兵元帥。初，上克太平時，亮祖降，上賜以金幣，仍舊官居。數月，復叛，歸元，守寧國，數敗我師。軍中為所獲者六千人，諸將弗能當，常遇春與戰，亦被創還。上親督徐達等奮攻之，亮祖兵敗城下，被獲。上曰：今將何如？對曰：非得已也。生則盡力，死則死爾。上壯而

釋之使從征宣城七月命鄧愈胡大海率兵取徽州守臣  
走元帥汪同以衆降戊戌以李文忠胡大海守嚴州得郭  
彥仁命為指揮使司都事使和協文忠大海不為異冬  
上率諸將親征浙東道徽州召儒士唐仲實姚瑩等咨訪  
時政又聞前學正朱升名召問之升對曰高築墻廣積糧  
緩稱王上悅其言命預帷幄密議又得楊國興使從征  
湖口未幾命為元帥守宜興十一月至蘭溪胡大海薦和  
州人王宗顯宗顯少業儒避亂僑居嚴州大海以宗顯見  
上上曰是與我同鄉里遂用之命探婺州城中盡得其虛

上上曰是與我同鄉里遂用之命探婺州城中盡得其虛

實攻破之改婺州為寧越府以宗顯知府事召儒士許元

葉瓚玉胡翰汪仲山等皆會食中書省中日令二人進講

經史又命宗顯開郡學招延儒士葉儀為經師戴良為學

正吳沈徐原為訓導時以亂故學校久廢至是始聞絃誦

之聲已亥春樂平儒士許瑗謁上于金華曰方今元祚

垂盡四海鼎沸豪傑之士勢不獨安夫有勇畧者可以馭

雄才有奇識者然後知奇士閣下欲掃除僭亂非收攬豪

傑難以成功上曰予用英豪有如饑渴瑗對曰此實帝

王之道天下不難定也即拜瑗博士冬十一月命胡大海

等進攻處州。元部將胡深守龍泉，見元將士多怠弛，不用命。深知天命有歸，乃棄其軍，間道來降。且獻取處州策。大海用其言破處州。上征浙東時，胡大海薦劉基、宋濂、章溢、葉琛之賢，可用。李文忠守金華，又薦王禕、許元、黃天錫諸儒。上皆遣使以書幣徵之。庚子三月，劉基、宋濂、章溢、葉琛至建康，謁見。上喜甚，曰：「吾為天下屈四先生，從容與論經史及咨訪時政，甚見尊禮。」命有司創禮賢館處之。劉基，青田人，幼聰穎，奇絕。天文兵法無不洞極其妙。仕元為江浙儒學副提舉，不合去遊西湖，見異雲起，曰：「此天子

氣也。應在今歲。後有石者，趨其下，我當輔之。後以事

為江浙儒學副提舉不合去遊西湖見異雲起曰此天子

氣也應在金陵十年後有王者起其下我當輔之後以事

羈管紹興行省復起用之基知時不可為棄官歸青田集

眾保鄉里著郁離子以見志或說基畫江為勾踐之業基

不從曰天命將有歸姑待之會 上征浙東基指乾象謂

所親曰此天命也適總制官孫炎以 上命遣使來聘遂

決計赴金陵初見 上陳時務十八策 上皆嘉納之宋

濂浦江人以文章行義為時所重嘗教授義門鄭氏家章

溢龍泉人葉琛麗水人皆智畧過人避亂隱田里至是俱

以聘至 上問陶安四人之才如何安對曰臣謀畧不及

劉基文學不及宋濂治民之才不如章溢葉琛上乃留  
 基侍帷幄預謀機務以宋濂為江南等處儒學提舉遣世  
 子授經溢琛並為營田司僉事元福建行省叅政袁天祿  
 見王師下浙東知天命有在遣古田縣尹林文廣以福寧  
 州來納款上賜書褒嘉之七月故徐壽輝將于光徐椿  
 以饒州來附上命鄧愈往納之于光等逐從愈屢敗偽  
 漢兵饒州以安陳友諒殺趙普勝而用普勝將張志雄從  
 侵建康友諒敗志雄與梁鉉被擒皆降志雄因獻取安慶  
 之策上用之遂克安慶元將薛顯沛縣人有勇畧守泗

之策 上用之遂克安慶元將薛顯沛縣人有勇畧守泗

州辛丑三月聞我師克高郵遂以泗州來降 上以為指

揮使從征八月 上親征友諒趣江州友諒將丁普郎迎

降遂克江州宿州傅友德勇畧冠一時初從山東李喜之

喜之敗歸明玉珎玉珎不能用率所部從陳友諒于武昌

及 上攻江州友德知天命有在率衆來降 上知其才

即命為將 上遣使招諭江西諸郡友諒將胡廷瑞守南

昌遣使來約降請無散離其部衆 上初有難意劉基自

後賜所坐胡床 上悟即許之且賜書諭慰壬寅春 上

幸南昌廷瑞遂迎謁建昌守將王溥袁州守將歐晉祥黃

彬餘干守將吳宏寧州守將陳龍吉安守將孫本立皆率  
衆來降上悉慰納之安豐曹良臣英毅剛斷爲衆所推  
聚衆立柵禦寇又韓政亦集衆千人自保至是皆率所部  
來歸上嘉之授良臣江淮行省叅政政江淮行省平章  
甲辰春上旣破滅陳友諒句容儒士戎簡入見  
主上向敗友諒于九江何不乘勝抵武昌而乃復還金陵  
後雖克之勞費多矣上曰事有緩急兵貴權宜陳氏之  
敗我豈不知乘勝蹙之然兵法曰窮寇勿追若追之急彼  
必死鬪殺傷亦多故縱之使偏帥綴其後知彼創殘之餘

必不能戰也。故全城降附。一則我師不傷。二則生靈獲全。  
三則保全知勇。所得不亦多乎。簡深歎服。他日。上謂諸  
將曰。鄱陽之役。當時諸將亦有勸我邀之。下流而以全師  
感武昌者。雖非吾意。然軍中以為奇謀。不意我簡亦能言  
之。汝等勿以吾不用簡言而遂輕儒者。宜親近之。令陳說  
古人之書。聽其論議。以資智識。丙午冬。建宗廟社稷。得冷  
謙命製樂。謙深明音律。今樂器樂舞皆謙所製。又善幻術。  
後以道人盜帑藏事。覺得罪。以幻術遁免。不知所終。丁未  
置三局。一曰律局。二曰禮局。三曰誥局。以宋濂等領之。又

徵四方處士徐大章梁寅等分典其事三月定文武科取  
士之法下令有司勸諭民間秀士及時勉學以待科舉戊  
申春上即大位命將征廣東時元廣東左丞何真者東  
莞人少英偉好書劍元末仕為河源務副使以亂故棄官  
歸鄉里後討平東莞王成陳仲王之亂元授以江西分省  
左丞至是上遣廖永忠等平廣東先以書招諭真籍所  
部郡縣戶口兵馬錢糧遣使濟印綬歸附永忠以聞上  
嘉其保境息民下詔引竇融李勣事褒之召真入朝賜宴  
厚加賞賚上遣徐達等北伐中原四月師克裕州執元

守將平章郭雲雲勇力有謀畧河南郟縣皆下雲獨守裕  
州招之不從後兵敗被執上釋而用之九月徐達等克  
元都上乃下詔求賢又徵天下賢才至京師拜守令各  
厚賜遣之庚戌八月上以天下大定乃定設科取士之  
制云



論曰自古帝王創業未有如我聖祖得人之盛者漢高  
首稱三傑其定元功位次止於十八人耳光武雲臺所列  
不過二十八將下逮唐宋皆不能過已我聖祖諸臣如  
李善長之制法陳紀可以伯仲蕭何劉基謨謀不下子房

而天文之學又子房之所未究若徐達之勲德才望終始  
純懿大山韓信之右至常遇春傅友德李文忠湯和鄧愈  
廖永忠沐英吳良皆可與信匹而不難于黥布彭越之功  
者豈非天錫智勇以贊成一代之大業哉又漢高不事詩  
書狙于馬上之習晚年得一陸賈不過縱橫策畧之餘光  
武號稱講藝論道而一時儒彥寥寥無聞一子陵不屑就  
已唐太宗宋太祖雖皆右文之主而溺于詞賦狙於俗習  
帝王之道稽古之學繁末之間焉我 聖祖以武功定天  
下而崇尚文學如饑渴之於飲食每得儒臣皆待以腹心

帷幄朝夕咨訪不倦而徃徃戒諸將以親近儒生至于解  
經析義又多天縱神啓有非老師宿儒之所能及是豈弱  
冠嫚罵者所能彷彿其萬一哉但一時將畧足備戡定而  
文儒相業猶不甚稱 聖心至使不得已而委政廣洋惟  
庸輩是豈其所欲也故於陶安圖之卒甚加悼惜晚年亟稱  
桂彥良之賢而不及用惜哉

褒顯忠列

丙申三月 上率諸軍攻金陵元御史大夫福壽盡力禦  
之數督兵出戰久力不能支城破百司皆奔潰福壽獨據

胡床坐鳳凰臺，拍揮左右，或勸之去，叱曰：吾為重臣，城存則存，城破則死，豈有去理！俄而兵四集，遂遇害。上入城，嘉其忠，命為棺衾禮葬之。戊戌春，命廖永安、桑世傑等攻張士誠之江陰，石牌寨桑世傑奮戈躍馬，陷敵陣，遂戰死。國朝以忠死事者，世傑為首。上聞甚悼之，後追封永義侯，配享太廟。己亥九月，命俞廷玉攻安慶，與趙普勝戰，沒于陣。廷玉自巢湖來，附累立戰功。上深憫之，後追封河間郡公。庚子五月，命徐達率廖永安等擊張士誠于太湖。永安兵敗被執，士誠欲降之，永安不屈。上遥授永安

光緒大夫後又追封趙普勝國公至丙午七月永安卒于吳

湖永安兵敗被執士誠欲降之永安不屈

上遙授永安

光祿大夫後又遙封楚國公至丙午七月永安卒于吳

上悲悼親為文祭之配享太廟塑像功臣廟上初得

太平命院判花雲守之以許瑗為知府庚子閏五月陳友

諒入寇圍太平雲率麾下三千人禦之三日友諒不得入

乃以巨舟乘漲泊城下令士卒緣舟尾攀堞上城中走愈

雲士卒億不能戰城遂陷友諒縛雲急雲怒罵曰賊奴縛

吾吾主必滅爾斬為膾也奮躍大呼縛皆絕雲起奪守者

刀連殺數人賊亂擊雲碎雲首縛寘舟檣叢射之雲至死

罵不輟妻邵氏一子甫三歲抱屬侍兒孫氏曰夫死吾必

不獨生。然不可使花氏無後。若等善保此兒。遂赴水死。孫氏收郤氏屍。葬之。抱兒出走。陷賊中。賊敗。脫走。墮水。緣浮木入蘆渚中。採蓮實啜。噉兒。凡七日。得不死。有雷老者引孫氏達。上所抱兒泣拜。上亦泣。寘兒於膝曰。此將種也。命賜雷老衣物。忽不見。追之。失所在。時皆神異之。上厚賚孫氏。令撫其兒。後追封雲東丘郡侯。許瑗亦以被執不屈死。追封高陽郡侯。命立忠臣祠于太平。勅有司歲時致祭。友諒寇金陵。上禦之龍江。之捷。張德勝戰死。上痛悼不已。後追封蔡國公。配享大廟。仍塑像功臣廟。壬

痛悼不已後追封蔡國公配享大廟仍塑像功臣廟

寅二月叅政胡大海守金華苗軍降將蔣英劉震作亂殺  
大海處州苗將李佑之賀仁德亦乘金華亂謀叛殺院判  
耿再成大海有大功威名在諸將右婺人如喪考妣再成  
亦大海之亞上聞二臣死痛念弗置後追封大海越國  
公再成泗國公並配享太廟仍塑像于功臣廟癸卯夏  
陳友諒寇南昌朱文正率趙德勝等盡力禦之六月德勝  
巡城至東門賊發弩射之中腰脅拔出之拊髀嘆曰吾自  
壯歲從軍屢傷矢石無若此甚者豈非命邪丈夫死無難  
所恨不能從主上清中原垂名竹帛耳遂卒上聞大慟

時追念之後追封梁國公謚武桓配享太廟塑像功臣  
 廟又追封死事諸臣李繼先隴西侯劉濟彭城侯許圭高  
 陽侯趙國昭天水侯張子明忠節侯并葉琛立廟豫章祀  
 之癸卯八月上討陳友諒大戰於鄱陽湖上屢瀕於  
 危所乘舟偶膠淺沙賊乘勢攻之急欲犯上舟一時諸  
 將計無所出帳前親兵將韓成進曰古人有殺身以成仁  
 者不敢愛其死遂服上袍冕對賊衆投水中賊信之  
 稍弛會諸將兵至援之賊遂退上與友諒大戰五日諸  
 戰死者三十六人樞密同知丁普郎被十餘創死首已隕

晉魏兵之舟中若戰聞狀後友諒平上謂中書省臣曰

戰死者三十六人樞密同知丁普郎被十餘創死首已墮

猶執兵立舟中若戰鬪狀後友諒平 上謂中書省臣曰

朕與友諒戰於鄱陽韓成效忠致死朕念之不忘中書并

列諸臣名上遂追封韓成高陽侯為諸臣首宋貴京兆侯

陳兆先穎上侯李信隴西侯王勝太原侯丁普郎濟陽侯

張志雄清河侯李志高隴西侯昌文貴汝南侯余景下邳

侯徐公輔東海侯劉義彭城侯陳弼穎川侯程國勝安定

伯王咬太原伯姜潤定遠子王鳳羅山子邱明梁縣子常

惟德懷遠子王德合肥子朱鼎合肥子汪清盱眙子王善

先定遠子汪澤廬江子丁宇含山子逮德山汝陽子羅世

綦隨縣子陳冲巢縣子裴軫定遠子常德勝壽春男鄭勇  
 隨縣男素華虹縣男史德勝定遠男王理五河男王仁舒  
 城男曹信含山男立廟康郎山令有司以時致祭乙巳四  
 月命胡深等討福建陳有定克浦城崇安建安有定併力  
 來攻深突陣與決戰馬躓為有定所執不屈被殺上痛  
 惜之追封縉雲郡伯癸丑夏孫興祖從徐達征西北塞外  
 戰死五郎口上聞甚悼惜之追封燕山侯塑像功臣廟  
 其後天下既定大封功臣上於死事諸將尤加憫念功  
 大者命其子得世襲又以元臣俞闡守安慶力禦陳友諒

將趙普勝後城破不屈死命安慶慶廟祀之其後敗元降臣

將趙普勝後城破不屈死命安慶廟祀之其後貶元降臣  
危素曰盍往守安慶余闕廟云

論曰褒死事所以勵生民獎既往所以勸將來也然胡大  
海趙德勝輩宣力效勞以死勤事其推恩褒錄猶人情之  
所能若乃敵人之臣盡力以禦我者一旦幸其既敗其不  
求逞忿而快褊心亦難矣况能嘉其盡力於彼而忘其肆  
毒於我邪古惟漢高帝斬一丁公至雍齒之封已非其本  
心周武雖聖而所封箕子比干非嘗與已為敵者我 聖  
祖之禮葬福壽廟祀余闕豈非曠古今而獨絕者乎是其

至公無我之心天地覆載之量無一毫芥蒂於其內也其所以創一統之業而致億萬年之大平者豈無自哉

宋事始末

元至正辛卯夏潁州人劉福通起兵擁轅城韓山童為主山童自其祖父以白蓮會燒香惑衆至山童倡言天下當大亂彌勒佛下生明王出世河南江淮之人翕然信之福通乃與其黨杜遵道羅文素韓咬兒等詭稱山童實宋徽宗八世孫當帝中國遂擁為主殺牛馬誓告天地起兵以紅巾為識事覺縣官捕山童殺之其子韓林兒逃之武安

山中福通等黨盛不可制遂反陷潁州又攻破羅山碓山上蔡真陽等縣及汝寧府光州息州衆至十餘萬歲乙未二月乃自礪山夾河求得韓林兒迎立稱帝軍中呼小明王都亳州國號宋改元龍鳳林兒母楊氏稱皇太后杜遵道郁文成稱丞相福通羅文素稱平章營建宮闈然林兒徒擁虛名事皆決於福通三月滁陽王郭子興卒宋遣人至和陽招諸將入其黨和陽諸將推張天祐往受命福通遣天祐還檄滁陽王子韶某為都元帥天祐為右副元帥我太祖為左副元帥上初欲不受曰大丈夫寧能受

制於人邪後以諸將議欲藉為聲援從之紀年稱龍鳳然  
 事皆不稟其節制後部其張天祐皆戰沒于元兵上併  
 統其軍十一月元將荅失八都魯率兵伐宋進次許州遇  
 劉福通以兵迎戰于長葛元兵大敗潰至中牟收散卒也  
 聚會劉哈刺不花引兵來援遂合勢大破福通兵又破之  
 於太康十二月進圍亳州福通遂以宋主林兒奔安豐丙  
 申七月福通遣李武崔德攻破元商州元奉元路判官王  
 淵起兵復之九月李武崔德入元潼關殺其叅政述律杰  
 元豫王阿剌忒失里會樞密同知定住引兵復潼關以河

南平章百家奴守之七何李武等復陷潼關百家奴兵潰

南平章百家奴守之亡何李武等復陷潼關百家奴兵潰  
豫王又以兵復之李武等敗走十一月福通遣兵徇元河  
南地丁酉正月李武崔德率兵攻元七盤藍田元主詔察  
罕帖木兒以兵會谷兒麻亦兒守陝西潼關察罕帖木兒  
奉詔率本部兵馳赴沿途敗李武等兵哈刺不花由潼關  
抵陝西會豫王及定住兵禦之福通別遣毛貴率兵攻元  
膠州陷之殺其樞密院僉脫歡李武崔德復攻破高州又  
攻武關拔之趣長安分兵東畧同華諸州三輔震恐元豫  
王及省院官計無所出行臺侍御史王思誠曰賊素憚察

罕帖木兒之名亟遣使求援此上策也諸守臣恐其軋已  
論久不決思誠曰吾兵弱甚旦夕失守咎將安歸乃移書  
求救于察罕時察罕新復陝州得思誠書即提輕兵五千  
約李思齊倍道來援轉戰而前殺獲無算李武等敗走毛  
貴自膠州攻陷萊陽元守臣釋嘉納死之貴引兵趨益都  
般陽諸州元以董搏霄為山東宣慰使與知樞密院事不  
蘭奚率兵擊之未至益都貴兵趨濟南於是濟南告急搏  
霄乃提兵赴濟南大破毛貴兵於濟南城下元擢搏霄官  
都元帥有忌其功者譖于太尉紐的該仍令往援益都搏

霄以疾辭請以弟昂霄代元乃以昂霄代領其衆未幾

霄以老疾辭請以弟昂霄代元乃以昂霄代領其衆未幾復命搏霄守河間之長廬搏霄以兵北行曰我去濟南必不可保其後毛貴果陷濟南搏霄方駐南皮魏家庄元遣詔使拜河南左丞甫受命營壘未完毛貴引兵猝至諸將曰賊至當何如搏霄曰死報國耳拔劍督戰不能支遂被殺不見血惟白氣衝天是日昂霄亦卒八月劉福通自將攻汴梁取大名衛輝等處遣將閔先生破頭潘馮長勇沙劉二王士誠攻懷慶等處白不信大刀敖李喜喜趨閔中其勢大振又遣田豐攻東昌元太尉紐的該擊敗之元命

紐的該守東昌福通又遣兵北徇太行山郡縣白不信攻  
秦隴陷之又攻破鞏昌以李喜喜守之不信進圍鳳翔元  
將察罕帖木兒先分兵入鳳翔城內遣謀者誘不信等圍  
城察罕自將鐵騎晝夜馳二百里將至城分軍張左右翼  
掩擊之城中兵亦鼓譟出內外夾擊呼聲震地不信兵大  
潰奔四川福通又遣兵攻壺關遇察罕帖木兒與戰大敗  
戊戌春田豐攻陷東平濟寧元紐的該棄東昌走豐遂進  
據東昌毛貴與元將不蘭奚戰于好石橋敗之不蘭奚奔  
濟南未幾貴復攻陷濟南分兵守諸路立屯田三百六十

處山東遂陷福通所遣將王士誠攻懷慶為元將周全所

處山東遂陷福通所遣將王士誠攻懷慶為元將周全所  
敗士誠轉攻陷晉寧元總管賽因不花死之亡何元察罕  
帖木兒遣賽因赤復晉寧毛貴引兵陷般陽又陷薊州郭  
州至柳林元樞密副使達谷珍戰死樞密同知劉哈刺不  
花破毛貴兵貴走據濟南田豐陷益都大掠廣平退保東  
昌福通所遣西兵攻陷元冀寧大同諸郡元察罕帖木兒  
調部將閔保邀擊之福通兵敗走察罕又會李思齊張良  
弼部擇善拜帖木兒定住汪長生奴諸將兵討李喜喜于  
鞏昌喜喜敗走四川李思齊張良弼同謀殺拜帖木兒分



福通遣全率兵攻洛陽察罕帖木兒登城以大義責全全  
愧退師福通怒其不進殺之毛貴攻元滕州守將以城降  
田豐攻陷順德關先生以察罕帖木兒還兵河南遂引兵  
自塞外東還攻保定不克陷完州又西出掠大同興和中  
都諸郡軍聲大振乃還兵東向高麗界焚上都宮殿攻  
陷遼陽元總管李震死之庚子三月田豐攻陷元保定路  
四月元遣司農都事樂元臣招諭豐豐殺之福通所遣將  
李武崔德以西略地無功福通素其逗遛叛降于元將李  
思齊辛丑七月元命察罕帖木兒總兵徇山東乃下井陘

出邯鄲過磁相懷孟水陸並進屢擊敗宋將田豐毛貴等  
兵遂渡東昌冠州又遣其子擴廓帖木兒率閩恩孝等會  
閩保虎林赤由東河造浮橋田豐以二萬人奪之閩保等  
且戰且渡拔長淮進攻東平田豐遣崔世英出戰大敗察  
罕以豐據山東又為軍民所服遣使招諭之豐與王士誠  
俱降于察罕察罕復東平遂以豐為前鋒進攻宋棣州守  
將俞寶降又攻宋濟寧劉珪亦降宋聚兵濟南察罕乃分  
竒兵間道出宋兵後南畧恭安逼益陽北徇濟陽章丘中  
擣瀕海郡邑自將大軍攻濟南三月復之時元兵多克復

山東獨益都未下。察罕移兵圍之。治攻具。諸道並進。宋守將陳孫頭等悉力拒守。壬寅六月。降將田豐。王士誠復謀刺察罕。入益都。豐等之降也。察罕推誠待之。不疑。數獨入其帳中。豐乃請察罕行觀營壘。衆止之不聽。又請以力士從却之。曰。吾推誠待人。焉得令人防閑之。乃從輕騎十餘人行。至士誠營。又及豐營。遂為士誠所殺。豐與士誠入益都。訃聞。元主大震悼。公卿及四方士民莫不哀慟。元恤典極優渥。贈官追封潁川郡王。以養子擴廓帖木兒襲官。代領其衆。擴廓既領兵攻益都。益急。士誠等出戰。輒大破之。

生擒六百餘人，斬首八百餘級。田豐、王士誠窘甚，遣使間  
道求救于劉福通。九月，劉福通引兵向火星埠，元將閔保  
邀擊，大破之。十一月，福通自率兵趨益都，援田豐、廓擊  
敗之，還走安豐。擴廓急攻益都穴地，通道入，遂拔其城，執  
陳孫頭等二百人獻于元，殺田豐、王士誠，取其心祭父察  
罕帖木兒。因遣兵復莒州。時福通所遣白不信、李喜喜等  
畧關中，俱兵敗，奔蜀。李武、崔德降于李思齊。田豐被戮，山  
東地元盡復之。閔先生毛貴亦敗亡。福通大窘，癸卯二月，  
張士誠遣將呂瑄率兵攻安豐。福通遣使詣建康求救。

上自率諸將救之未至呂瑜攻破安豐殺劉福通據其城

三月上至安豐擊呂瑜大破之瑜棄城走上遂以宋

主韓林兒還金陵諸將議於中書省設御座奉林兒劉基  
從後賜上所坐胡床曰牧豎子耳奉之何為密陳天命

所在上意悟會陳友諒來入寇遂議征討不果奉丙午

十二月韓林兒殂于建康先是上紀年猶稱龍鳳命令

下則云皇帝聖旨吳王令旨至是林兒殂始改明年為吳  
元年云

論曰韓林兒在宋猶未足方義帝更始其赤眉之盆子耳

假令福通事成豈能容林兒哉福通不欲以其身為標故  
藉之號召天下意事成已除之無難不成名將有所歸亦  
如王陵母之所以厲陵者姦雄之見大抵皆然第福通舉  
事可必其無成耳蓋天下既亂則豪傑起而削平之所謂  
奉天除暴救民於水火之中者若乃稱兵平世無故而首  
為亂階是欲驅衽席之民而為塗炭之慘乃民怨之所歸  
天命之所必不祐也豈有能成大業而貽子孫之慶者乎  
秦膠廣漢黃巾唐黃巢皆其明驗傳所謂天道後舉者勝  
蓋謂此也然則劉福通者蓋將為我 聖祖先驅定中原

者乎不然察罕之兵且萃于江南矣雖然我 聖祖之開

者乎不然察罕之兵且萃于江南矣雖然我 聖祖之開  
創於宋無所毫髮藉紙以和陽一命奉之終身蓋自癸卯  
以前惟南剪群雄而未嘗加一兵北向者以有韓林兒在  
穎亳間故弗與爭雄耳否則中原形勝之地豈在所浚邾  
至安豐之危福通一遣使求援即親帥諸將赴援而不從  
劉基之諫不恤陳寇之侵雖無救于福通之死而卒能脫  
林兒于虎口以全歸建康且欲設御座奉以天子之禮此  
其意豈欲遽背之哉林兒不死不改元下令猶以皇帝聖  
旨先之恐漢高之於義帝光武之於更始未能然也嗚呼

非聖人而能若是乎

平定東南

上既定都建康以南土弗靖未可遽北伐陳友諒張士誠各據土宇方谷珍陳友定亦假元名號拒守城邑皆次第別畝規取其諸郡邑在群雄之間元守將據守未下者分遣諸將畧取之丙申三月首命徐達湯和率兵取鎮江四月命華高率兵取廣德又分兵取宣州亡何宣州復叛丁酉夏四月命胡大海丁德興率兵討之遂復宣州誅首叛者餘皆宥不罪宣州以安丁酉夏五月上親率諸將攻

寧國先是 上渡江已擒朱亮祖取寧國矣亮祖復以寧  
國叛為元守至是率諸將擊敗其兵獲亮祖城下守臣楊  
仲亨以城降寧國既下 上始議分兵取徽池等郡乃命  
胡大海鄧愈率兵自休寧績溪向徽州元守將阿思午吳  
納等拒戰大海擊敗之拔其城命鄧愈守之元江浙叅政  
苗帥楊完者率兵十萬自上江順流入杭城以兵圍徽州  
期克復大海自婺源來救擒斬其部將李才等衆披靡大  
海入城與愈分門拒守復大破之完者遁去婺源守臣汪  
同亦來降乃即徽州立雄峯翼元帥府命胡天祐等共守

天福等因出兵徇開化擒元守將破之楊完者乘虛寇徽  
州天福等還戰却其兵冬十月完者復來寇徽州守將繆  
美禦之出三門轉戰連捷追奔二十里亡何完者復盛兵  
來薄城胡天福等選部將勇敢士出禦衆推萬戶謝成勇  
成即率壯士數百人出衝其陣完者兵皆辟易自相蹂躪  
大軍出乘之遂覆其師完者僅以身免戊戌春胡大海鄧  
愈取嚴州命李文忠同大海持禦文忠嘗敗元院判阿魯  
灰于萬年衢又敗元苗軍于昌化於潛又降洪元帥之衆  
浙人憚其威名故與大海俱以功陞秩同守嚴州二人微

有郤 上批示都事部彥仁使諭解之又密戒文忠由是  
相協所向有功夏四月鄧愈遣王弼等率兵取婺源州薄  
西城元守將鉄木兒不花出戰自旦至晡殺傷五百人不  
下愈乃分遣將攻其東南北三門殺傷三千餘人拔其城  
鐵木兒不花戰死遂徇於潛昌化皆下之九月常遇春攻  
衢州元守將張院判出戰屢敗遂克之鄧愈亦取蘭溪州  
十一月 上因胡大海攻婺州未下命徐達守建康親督  
楊璟等率兵十萬以耿再成為前鋒金朝興統奇兵茅成  
駐杭州皋亭山為應援由寧國至蘭溪得儒士王宗顯使

探婺城虛實知其守將不和有可取狀上許宗顯以婺  
州知府遂攻城元石抹宜孫遣將胡深赴援深以獅子頭  
兵作前陣上命胡大海等迎戰擒其前鋒將深敗走大  
海率繆美等追之獲其輜重而還次日攻城其都事李相  
以守將帖木烈思等不和夜縋城出詣軍門請降遂開東  
門納王師入元守臣僧住死之上改婺州為寧越府命  
王宗顯知府事宗顯興學校聘師儒教化大行民間始聞  
絃誦之聲寧越既定上欲取浙東諸郡乃集諸將申戒  
以戢兵安民一城邑不得妄殺反覆數百言詞極懇切

已亥春正月李文忠胡大海取諸暨六月上自寧越還  
建康命徐達征安慶敗趙普勝兵克潛山 上在寧越時  
命耿再成駐兵據黃龍山之險遏賊衝謀取處州元守臣  
石抹宜孫遣胡深守龍泉分命葉琛林彬祖陳仲真陳安  
等屯據諸險院深總龍泉慶元松陽遂昌兵以拒我師久  
之元士卒無鬪志有來降者具言處州兵弱可取狀 上  
即出師與再成合兵攻之礬嶺最險隘繆美率敢死士先  
登遂奪其壁以入又進拔桃花葛陂二砦諸險皆失宜孫  
出戰兵敗與其部下走建寧遂克處州遣使諭胡深深來

降龍泉慶元皆下以耿再成守之胡大海得喜溢葉琛劉  
 基宋濂薦于上上遣使聘致之命大海守金華廣子六  
 月元石抹宜孫收兵復攻陷慶元時曾封知慶元縣出戰  
 兵敗被執死之耿再成率兵往援擊敗石抹宜孫兵宜孫  
 走竹口戰死再成遂鎮處州辛丑秋七月以范常知太平  
 府常勸農興學教化大行軍食以充壬寅二月胡大海在  
 金華降苗將蔣英李福佯請林海至八詠棲觀弩刺殺之  
 并殺其子闕住及郎中王愷等欲據城叛大海子德濟聞  
 難奔訃建康李文忠在兵敗州聞之即率兵馳至賊棄城走

文忠入城撫定之大海在浙東威名大著恩信素孚于民

文忠入城撫定之大海在浙東威名大著恩信素孚于民  
嘗自言已雖不讀書其行軍惟知有三事不殺人不擄人  
婦女不焚廬舍故人多附之生時嘗夜出人見其兩目燁  
燁有光及卒每著靈異師行或夢見大海或見野有火光  
兵輒大捷愷佐大海亦多善政英等刺殺大海處州降苗  
將李佑之賀仁德與英密約亦以是日刺殺耿再成及元  
帥朱文光知府王道童孫炎等耿再成威名亞于大海炎  
亦善撫其民炎被執從容就義酌酒飲不肯解所服賜衣  
罵賊而死衢州兵聞金華處州之變謀翻城應之守將夏

毅不能制會劉基至毅迎入城一夕定之四月耿天壁方  
 奉命往處州發苗兵聞處州亂馳至金華見李文忠訪得  
 耿再成舊部將朱絢遂相與集兵會平章邵榮院判胡深  
 討叛將李祐之賀仁德斬之比胡深至處州已平癸卯七  
 月 上乃命深以行省郎中總制處州深捕誅山寇經理  
 賦稅處州遂安後死于方谷珎之難章溢嘗任浙東同列  
 皆得罪溢獨免至是處州不寧 上復以溢為浙東按察  
 副使溢辭副使命改僉事溢至平劇盜處糧餉正軍法輕  
 賦稅浙東深賴之甲辰夏四月 上既滅漢乃命徐達攻

盧州之左君獨走汴梁元將樓兒張以城降改盧州為

廬州拔之左君弼走汴梁元將樓兒張以城降改廬州為  
江淮等處行中書省命俞通海攝省事通海撫綏有方民  
甚戴之遂修城濠為守禦備丁未九月上以張士誠既  
平別遣將伐方谷珮陳有定身以胡美為征南將軍何文  
輝為副將軍率吉安寧國南昌等兵由江西征福建以湖  
廣叅政戴德從征上諭美曰汝以陳氏丞相來歸忠實  
無過故命爾總兵何文輝戴德皆吾親近之人然勿以此  
故廢法征戰一以軍法從事吾微時在行伍中見將帥統  
馭無法心竊鄙之及後握兵一日驅所領新附之士野戰

有二人犯令即斬以徇衆皆股栗莫敢違節制人能立志  
何事不成聞汝往年嘗攻閩中必深知其地理險易攻圍  
城邑擇便利進退勿失機宜爾其勉之十一月美等引兵  
度杉關杉關閩之西鎮既度關閩中大震遂下光澤縣會  
湯和吳禎擒方谷珍上遂會和等率舟師自明州由海  
道攻福州上以征閩事問章溢溢對曰兩道進兵此固  
必勝然閩人尤服李文忠威信若令文忠更引一軍從浦  
城取建寧此萬全計也上即日命文忠出師浦城以溢  
子存道率鄉兵從征胡美兵至邵武元守將李宗茂降吳

禎亦進兵薄福州圍其東西南三門一鼓而克元守臣曲  
出遁走朵耳死之上欲令章存道率所部鄉兵北征溢  
持不可曰鄉兵本農人征閩時許以事平散使歸農今調  
之比征是爽信也上初不懌旣而從溢言以昔曾叛者  
充軍餘悉還農戊申正月胡美等師抵建寧元守臣達里  
麻陳子竒集僚佐曰聞明兵驍勇自入杉關諸鎮瓦解此  
不可與爭鋒吾城中儲積尚多第固守不出戰彼攻城不  
克必自退因而乘之或可得志衆皆從之美等進兵圍其  
城數挑戰不出急攻之達里麻不能支夜潛至何文輝營

納款次日總管也先亦詣文輝降胡美怒二人不先詣已  
欲屠其城文輝止之曰吾與公同受命至此為安百姓耳  
今城降可以私忿殺人乎美乃止官整兵入城秋毫無犯執  
子奇送京師以費子賢守建寧遂移兵克興化泉州屬縣  
皆降附遣曹復疇招諭汀州寧化連城等縣下之三月美  
等師至漳州守將以所部兵先遁去漳州達魯花赤迭里  
彌實欲禦之而郡事又屬他官總制已遣人納款矣左右  
服新朝使者至要彌實當郊迎彌實乃具朝服北面再拜  
曰臣受國恩厚今力不能禦敵義不忍降所不負國者一

紀耳遂斬碎其印篆書笏曰大元臣子至案上引佩刀

死耳遂斫碎其印篆書笏面曰大元臣子至案上引佩刀  
自刺殺既絕尚執刀按膝坐如生鄉民哭聲震地相與殮  
葬之會湯和等亦執陳有定克延平等郡縣閩中皆平命  
廖永忠朱亮祖等移師征廣東以中書省叅政蔡瑤為福  
建行省叅政臨行上諭以齊義利慎官箴反覆諄切瑤  
頓首受命福建以安

論曰東南稱亂者莫強于張士誠其次則方谷珍陳有定  
此外皆元臣為其君守耳雖昧於天命所在而禁犬之吠  
情則可矜如石抹宜孫鐵木兒不花僧住朶耳迭里彌實

數輩尤可謂傑出者以我 聖祖禮葬福壽之意推之皆  
宜在所褒錄此與谷珙友諒假名號而懷異畜者不同未  
可以其為勝國之黨異類之人而棄之也乃若諸將東南  
之功則湯和李文忠鄧愈胡大海朱亮祖耿再成廖永忠  
胡美何文輝為最多徐常二將克吳之外無他聞以其所  
事者大也其間如李文忠胡大海始小有卻以 上命部  
彥仁諭之即解後文忠赴大海之難若其私仇胡美欲屠  
建寧以何文輝之言而止不以其先納款而終憾之此又  
君子之賢行古人之所難不但其戰功之可稱爾已固又

鴻猷錄卷三

京山高岱編輯

克陳友諒

書館

陳友諒者湖廣沔陽漁家子也。困姓謙先世贅于陳。冒陳姓。嘗為縣吏。不樂其職。會中原兵起。徐壽輝與倪文俊等以元至正辛卯攻陷蕪水黃州等處。僭稱皇帝。國號天完。改元治平。未幾陷漢陽興國武昌。又遣趙普勝陳普文項普畧党仲達分兵陷九江吉安池州荊州岳州等處。

元兵累討之不克衆號百萬友諒往從文俊麾下為簿書  
 掾尋領兵為元帥後壽輝為元兵所敗走倪文俊迎壽輝  
 居之漢陽文俊漸專恣友諒意不能平丁酉秋文俊謀弑  
 壽輝不果奔黃州友諒遂襲殺文俊併其軍自稱平章壽  
 輝不能制丁酉十月上駐師金陵二年矣己未定江東  
 諸郡又取楊州乃命常遇春率廖永安吳禎等由銅陵進  
 取池州又命李文忠領兵策應之師抵城下攻破其北門  
 入城斬壽輝將洪元帥又執其黨魏壽徐天雄等亡何友  
 諒聞池州破以戰艦百餘艘來逆戰遇春等奮擊大敗之

遂以趙思守池州戊戌春正月友諒陷元安慶元守臣余

遂以趙忠守池州戊戌春正月友諒陷元安慶元守臣余  
闕死之夏四月友諒又陷元江西隆興及瑞州未幾遣其  
黨趙普勝自樅陽寇我池州太平守將劉友仁聞之率兵  
赴援遇賊與戰敗沒五月友諒遣其黨康泰趙琮鄧克明  
等陷元邵武又自南昌遣兵陷元撫州八月又陷元贛州  
十一月陷元汀州己亥三月友諒遣其黨趙普勝寇我寧  
國之太平縣總制胡惟賢命程允汪炳等擊敗之獲其糧  
萬餘斛普勝寇青陽石埭等縣僉院張德勝禦于柵江口  
破走之友諒又陷元襄陽郡八月 上遣徐達率張德勝

業攻安慶自無為登陸至浮山巷擊敗友諒部將胡總管  
兵追至潛山界沙河過友諒偽叅政郭恭領兵逆戰達等  
擊敗之斬郭恭大獲輜重遂克潛山九月上命院僉俞  
廷玉率兵同攻安慶不克廷玉敗沒十月俞通海破友諒  
將趙普勝於安慶十二月徐壽輝以友諒破隆興欲徙都  
之友諒忌其來不利於已沮之壽輝不聽引兵發漢陽南  
下江州友諒佯出迎伏兵城內俟壽輝入即閉城門伏殺  
盡殺其左右將士居壽輝江州友諒自稱漢王置官屬征  
伐誅賞皆不稟壽輝節制庚子夏五月友諒帥師東下聲

言幾安慶安慶中而國春策其必已也州先大兵九華山待之友

言援安慶常遇春策其必犯池州先伏兵九華山待之友諒果自率衆猝至伏發大敗之俘斬二萬餘級擒二千餘人閏五月友諒率舟師寇太平圍其城守將花雲率麾下三千人迎戰三日友諒不得入乃以巨舟乘漲泊城西南隅舟尾高與城平令士卒緣之上時城中乏食士億甚不能戰城遂陷雲與知府許瑗皆死之友諒既陷太平忌其將趙普勝疆盛誘殺之令別將守安慶友諒寇大平時挾壽輝行既得太平亟謀僭位彌乃於采石舟中佯使人白事壽輝前令壯士持鐵槓從後擊之碎其首以暴疾死令

軍中遂以采石五通廟為行殿稱皇帝國號漢建元大義  
值大雨群臣立江岸草次成禮殊無儀節以鄒普勝為太  
師張必先為丞相餘各拜官有差乃率衆還江州友諒既  
僭大號遣使約張士誠同入寇自江州引兵東下金陵大  
震獻計者或謀以城降或謂甯山有王氣欲奔據之或欲  
決死一戰戰不勝即走未晚王上心非諸將議劉基獨張  
目不言上召基入內問計基對曰先斬主降及奔鍾山  
者乃可破賊上曰先生計將安出基曰天道後舉者勝  
吾以逸待勞何患不克莫若傾府庫開至誠以固士心伏

兵伺隙擊之。取威制勝。以成王業。在此舉也。上意益決。

或謀先復太平。以牽制賊勢。上曰不可。太平吾所新築。

城濠塹深固。賊前來漲。以舟泊乘城。乃為所陷。今往攻之。

猝難拔。賊舟師十倍於我。我頓兵堅城之下。進不能取。退

不及援。失所據矣。或又勸。書自將禦之。上曰亦不可。

彼知我出。以偏師綴我。我欲與戰。彼不交鋒。而以舟師順

流下建康。半日可達。吾步騎亟回百里趨戰。兵法所忌。皆

非良策也。於是遣胡大海以兵直搗廣信。制其後。而召指

揮廣茂才。謂之曰。吾有事命汝能之乎。茂才曰。惟所命。

上曰汝與友諒舊知今友諒入寇吾欲速其來非汝不可  
汝今作書遣使貽友諒偽降約為內應招之速來給告以  
虛實使分兵三道以弱其勢茂才曰諾家有老閹舊嘗事  
友諒遣令齎書往必信來無疑止以其謀語李善長善  
長曰方憂寇來何為誘致之圖上曰遲則二虜謀合而害  
益大何以支今先破此虜則東寇膽落矣善長曰善茂才  
遂令閹者乘小舸徑至友諒軍友諒得書甚喜問曰康公  
今何在閹者曰見守江東橋問橋何如曰木橋乃與酒食  
遣還謂曰歸語康公吾至則呼老康為驢閹者諾歸具以

此虜入吾境中必命善長亟撤江東橋易以

上曰此虜入吾殼中矣乃命善長亟撤江東橋易以  
鐵石比旦橋成有自友諒軍中逸歸者言友諒問新河口  
路 上亟命趙德勝跨新河築虎口城守之命常遇春馮  
勝華高等率帳前五翼軍三萬人伏石灰山側命徐達等  
陳兵南門外楊璟駐兵大勝港張德勝朱虎率舟師出龍  
江關外 上親總大軍于盧龍山令偃黃幟於山之左偃  
赤幟於山之右令曰寇至則舉赤幟俟舉黃幟則伏兵皆  
起各嚴師以待至日友諒率舟師東下至大勝港楊璟整  
兵禦之港狹僅容三舟入友諒以舟不得並進遽引退出

大江徑衝江東橋見橋皆大石非木橋乃礮疑呼老康又  
無應者悟茂才使謬即與其弟彌五王者率舟師趣龍江  
先遣萬人登岸立柵勢甚銳時酷暑上衣紫茸甲張蓋  
督兵見士卒揮汗赤日中命去其蓋衆欲戰上曰天且  
雨諸軍就食畢乘雨擊之衆仰視天無片雲未信忽風起  
西北頑叟大雨如注赤幟舉上下令拔柵諸軍競前拔  
柵友諒麾其衆來爭戰方合雨止上命發鼓鼓大震乃  
令黃幟舉常遇春等伏兵起徐達兵亦至張德勝朱虎舟  
師並集內外合擊友諒兵大敗僅以身免衆潰趨舟值潮

退舟膠淺殺溺死者無筭生擒七千餘人獲其將張志權  
梁鉉喻國興等皆降收得巨艦百餘艘戰舸數百友諒乘  
別舸脫走於所乘舟中得茂才書 上笑曰彼愚至此可

嗤也令諸將追擊友諒至慈湖縱火焚其舟賊衆大潰復  
追至采石大戰廖永忠率所部大呼陷陣入華雲龍躍馬  
擣其中堅有王銘者獨馳入其陣賊攢槊刺之傷頰戰益  
力流血淋漓旋迴三匝獨所殺傷過當賊大敗張德勝戰  
死周顯與賊戰于觀渡橋亦敗之獲其將士十三人諸軍  
乘勝追擊賊守太平者無固志遂復太平張志雄言友諒

東下併安慶兵來今俱敗安慶無守禦者 上即命徐達  
將兵追之遂復安慶以趙伯仲守之前所遣胡大海擣廣  
信兵至靈溪亦敗其衆遂督兵攻信州賊守者不能支衆  
潰克其城改信州為廣信府以胡大海子德濟為樞密同  
簽守之亡何友諒遣其將張定邊復攻陷安慶趙伯仲棄  
城走龍江 上曰主將不能堅守城陷遠遁宜誅之常遇  
春等力救 上不從曰軍法不嚴何以勵後賜弓絃令自  
縊而擢用其子弟辛丑三月友諒遣其將李明道寇信州  
據草平鎮以逼浙東援兵德濟遣夏德潤出兵奪其墩戰

死賊又保玉山胡大海部將繆美聞之來援與賊戰于東  
津橋遂復玉山抵信州絕明道歸路六月明道圍廣信急  
德濟遣使求援于父大海大海率師由靈溪進李文忠亦  
遣兵援之德濟聞援兵至引兵出城與大海夾擊明道大  
破之擒明道及其宣慰王漢二并士卒千餘人大獲其戰  
馬器械大海送明道漢二于文忠文忠令漢二招友諒建  
昌守將王溥溥漢二兄也遂歸附乃俱送建康上命三  
人皆仍舊官後征江州南昌用為嚮導八月上怒友諒  
悖遂決計伐之謂諸將曰友諒弑主僭彌犯我近疆殞我

名將又誘殺趙普勝將士離心觀其所為不滅不止爾等  
勵士卒以從徐達曰師直為壯今我直彼曲何患不克  
上乃親督諸將率舟師乘風溯流而上直抵安慶命馮勝  
俞通海趙德勝張志雄等擣其水寨破之攻城自旦至暮  
不拔劉基請棄安慶去徑拔江州傾其巢穴 上從之遂  
悉師西上長驅過小孤友諒將丁普郎迎降師距江州五  
里友諒始知之以為神兵自天而下倉猝不能禦挈妻子  
夜奔武昌友諒將傅友德亦降遂克江州乘勝遣康茂才  
等進拔蘄州黃州興國黃梅廣濟等處又遣使招諭友諒

守將南昌胡美袁州歐普祥餘干吳宥龍泉彭時

吉安曾萬中等皆遣使納款胡美使來請禁止數事勿

散離其所部兵 上有難色劉基從後賜 上所坐胡床

上悟許從所請賜書慰諭之命趙德勝分兵攻下瑞州臨

江諸郡鄧愈以兵襲浮梁友諒將侯邦佐棄城遁遂取樂

平等處饒州之境悉定十月鄧愈駐兵臨川之平塘時友

諒將鄧克明據撫州佯遣使通款無降意愈知其情乘夜

往襲之旦入其城克明單騎遁初友諒走武昌徐達追至

夏陽 上命達回守江州亡何召達還建康至中道得令

還守江州友諒聞達去江州遣兵襲之暨達還友諒兵已  
 入江州城達擊大敗之俘斬數千人獲其眷屬十月命諸  
 將旋師攻安慶下之 上遂幸南昌胡美率眾迎謁 上  
 以葉琛知南昌府王溥吳宏歐晉祥魯萬中等皆來見時  
 鄧愈既定撫州率眾來會 上於南昌十一月 上自江  
 州還建康命徐達率降將祝宗康泰等攻友諒于武昌壬  
 寅三月祝宗康泰叛回據南昌知府葉琛迎戰於市死之  
 時鄧愈駐師南昌倉卒出走徐達于湖廣聞變旋師討之  
 趙德勝攻城為礮火傷祝宗康泰敗走追斬之南昌復定

上聞之喜曰南昌重鎮西南之蕃屏吾得南昌去陳氏一  
臂矣非骨肉重臣不可守五月命大都督朱文正統趙德  
勝薛顯同鄧愈守之友諒將有彌八陣指揮者聚衆結寨  
南昌之西山十二月趙德勝孫興祖攻破之俘斬三千餘  
人時江西諸郡雖附多觀望未定癸卯正月臨江吉安撫  
州三郡叛趙德勝引兵往討會守臣魯萬中等走建康乞  
援兵至皆復之時陳友諒據湖廣張士誠據姑蘇 上與  
諸將議所向或謂蘇湖地饒沃宜先取之劉基曰不然張  
士誠自守虜耳陳友諒居上流且名彌不正宜先伐之陳

氏滅取張氏如囊中物耳 上曰友諒剽而輕其志驕士

誠狡而懦其器小若旣攻士誠友諒必空國來救是吾疲  
于二寇也遂決計先伐陳氏四月陳友諒忿其疆土日蹙  
大作舟艦自帥兵滿六十萬圍南昌衆漲直抵城下用雲  
梯等攻具百道攻城晝夜不息友諒親督衆攻撫州門城  
壞三十餘丈朱文正鄧愈等督諸將死守且戰且築城壞  
復完友諒盡攻擊之術城中隨方禦之殺傷甚衆城中李  
繼先牛海龍趙國旺等亦戰死趙德勝率步卒千人開門  
出戰賊將金指揮操戈直前德勝射之一發而斃五月友

諒攻新城門薛顯將銳卒出戰斬其平章劉進昭擒其副  
樞趙祥友諒乃遣其將蔣必勝等分兵攻陷臨江吉安二  
郡吉安守臣魯萬中死之友諒以所俘徇城下文正等不  
為動六月趙德勝巡城至東門賊伏蹶張弩射之中腰膂  
德勝卒朱文正乃遣千戶張子明赴建康告急又詐遣卒  
號捨命王者詣友諒約日出降友諒信之緩其攻至日城  
上旗幟一新友諒候至暮見無降意縛約降卒于城下殺  
之文正等堅守以待張子明取漁舟從水關出晝潛夜行  
半月達建康時上方親張士誠將呂珍于安豐解安豐

圍命徐達等移師圍廬州而自還建康子明至 上問友  
諒兵勢何如子明對曰友諒兵雖盛戰死亦不少今江水  
日涸巨艦將不利又師久糧乏援兵至可必破也 上曰  
歸語文正等但堅守一月吾當自取之不足憂也乃遣子  
明先還至湖口為友諒兵所執友諒曰若能誘城中降非  
但不死且富貴子明佯許之至城下呼曰我已見主上令  
諸公堅守大軍且至矣友諒怒殺之文正等聞之守益堅  
時達等圍左君弼于廬州 上遣使命解圍曰為一廬州  
而失南昌非計也七月 上親督諸將率舟師二十餘萬

援南昌進次湖口是月丙戌友諒聞我師至解南昌圍東  
出鄱陽遂戰丁亥遇於康郎山徐達先諸將擊之敗其前  
鋒一巨舟賊死者千五百餘人官上恐張士誠乘虛命達  
還守建康戊子上布舟師為十二屯常遇春等聯舟大  
戰俞通海乘風縱火焚寇舟圖千餘艘軍威大振友諒驍  
將張定邊直前犯上所御舟舟適膠淺沙諸將盡力禦  
之倉卒計無所出牙將韓成進曰古人殺身以成仁臣不  
敢愛其死乃服上冠袍對敵自投江中敵人信之攻稍  
緩會常遇春俞通海等皆來援舟集水湧上舟乃得脫

遇春從傍射中定邊定邊走通海與廖永忠以飛舸追之  
 定邊身被百餘矢士卒多死傷退去會日暮上鳴鉦集  
 諸將申約束明日己丑上復親布陣與友諒戰友諒悉  
 巨舟連鎖為陣旌旗樓櫓望之如山我師舟小怯於仰攻  
 多退縮上親執旗麾之不爾右師小怯上命斬隊長  
 十餘人猶不止郭興進曰非全不用命舟大小不敵也非  
 火攻不可上命常遇春等分調漁舟載荻葦置火藥其  
 中至晡時東北風起乘風縱火焚其舟數百艘烟焰漲天  
 十里之內湖水盡赤友諒第友仁友貴及平章陳普畧等

皆焚死又明日庚寅友諒復率衆來戰自辰至巳不解時  
劉基侍 上側忽揮手云難星過請 上易舟 上亟入  
他舟舊所御舟以礮碎廖永忠俞通海汪興祖趙庸以六  
舟深入敵陣搏擊之敵聯大艦拒戰我師望六舟無所見  
意陷沒有頃六舟繞敵舡勢如游龍翻然而出諸將見之  
勇氣愈倍戰益力呼聲震山海友諒兵大敗永忠等還見  
上上勞之曰今日之捷諸君之力也又明日辛卯復聯舟  
大戰又敗之友諒欲退保鞋山我師先至罌子口橫截湖  
面邀其歸路友諒不得出相持者三日 上以書貽友諒

曰方今天下之勢討夷狄以安中國是為上策結怨中國而厚夷狄是為無策曩者公犯池州吾不以為嫌生還俘將欲與公為約從之舉各安有方以候天命吾本心也公失此計乃先與我為讐是以破公江州遂蹂斬黃漢沔因舉隆興江西列郡奄為我有命又不悔復啓兵端既困于洪都兩敗于康山殺其弟姪殘其兵將損數萬之命無尺寸之功此違天理悖人心之所致也設使公僥倖逃還亦宜修德勿作欺人之寇却帝名而待真主不然喪家滅姓悔之晚矣友諒得書不答俞通海曰湖水有淺澁舟難迴

攻建康而圍南昌計之下者不亡何待乃知天命有兩端也時四方群雄惟友諒最彊盛既敗滅上喜甚謂諸將曰此賊亡天下不足定矣張定邊以陳理歸復僭稱帝武昌上經理建康守禦留徐達等備吳復率諸將親征之十月至武昌分兵立柵圍其諸城門又於江中聯舟為長寨以絕其出入之路十二月上還建康命常遇春督諸將攻武昌甲辰正月上即吳王位二月以武昌久不下復親往視師督諸將攻城城東有高冠山下瞰城中敵據之上問諸將誰能奪此者傅友德請先登即奮勇直上

面中一矢鏃出腦後脇下復中一矢不為沮竟一鼓奪之  
敵將有陳某者驍捷善槊獨馳入中軍帳下上方坐胡  
床見牙將郭英從傍來疾呼郭四為吾殺賊英持槊躍馬  
至奮臂一呼陳應手墮上曰尉遲敬德不汝過也解所  
服紅錦袍賜之敵岳州守將號潑張者率潭岳兵來援至  
夜婆山上遣兵擊敗之擒潑張悉俘其眾上遣降將  
羅復仁入城諭降陳理與張定邊議定邊知不可支議欲  
降陳氏將勇畧無右定邊者於是陳理率定邊等詣軍門  
降上慰納之令軍士不得入城百姓按堵城中大饑困

上發倉粟賑之立湖廣行中書省以楊璟參知政事守之  
其後封陳理歸德侯友諒父普才亦封侯友諒弟友仁等  
皆封伯未幾以普才適滁理適高麗江西行省以友諒鏤  
金床進上謂侍臣曰此何異孟詵七寶溺器一床工巧  
若此其餘可知窮奢極侈安得不亡命毀之上還建康  
偽漢將熊天瑞尚據贛州新淦豪民鄧仲廉亦據永豐鄧  
愈調兵攻討八月上命常遇春率陸仲亨等往與鄧愈  
等合兵討之九月又命徐達及楊璟等進攻江陵分遣唐  
勝宗等徇長沙沅陵醴陵傳友德徇夷陵皆平之惟天瑞

據贛州仲廉據永豐未下 上遣汪廣洋參常遇春等軍

事且諭之曰汝與遇春等言熊天瑞困守孤城猶籠禽阱

獸豈能逃逸但恐城破之日殺傷過多耳要當以保全生

民為心一則可為國家用二則可為未附者勸如漢將鄧

禹不妄誅殺得享高爵子孫昌盛此可為法曩者鄱陽湖

之戰友諒既敗生降其兵至今皆為我用縱有逃歸者亦

為吾民我前克湖廣令士卒勿入城故能全一郡之民苟

得地無民何益於國廣洋至遇春軍諭 上旨遇春乃緩

師立柵圍之乙巳正月天瑞出降贛州平南安南雄韶州

諸部皆下 上褒諭遇春等曰予聞二省之師兵敗於此

諸郡皆下。上褒諭。遇春等曰：「予聞仁者之師無敵。然非仁者之將不能。今將軍破敵不殺，是天錫將軍以隆我國家，非偶然也。」捷書至，予甚喜。雖曹彬下江南，何以過之？將軍能廣宣威德，保全生靈，予深有賴焉。徐達遣兵取寶慶、路彬、靖諸安撫長官司，皆來降。朱文正遣何文輝、薛顯討新淦，鄧仲廉、湯和討江西大盜姚大膽，皆擊斬之。湯和仍回守常州，乃以鄧愈為湖廣行省平章，鎮撫荆襄以禦北兵。於是湖廣江西之境悉定。

論曰：元末群雄競起，與我聖祖並驅中原者固非一人。

而當時稱勅敵為腹心肘腋害者。惟友諒為可慮哉。友諒之勇悍雄畧。雖或未及項羽。而獯迅狡猾。出沒飄忽。大困而氣不餒。屢蹶而勢復振。觀其龍江敗歸。還襲安慶。九江之失。疾奔武昌。及徐達召還。不旋踵而有江州之入。是皆以敗衄之後。旬日之間。而能陷城却敵。蓋深通兵法。不沮不撓。故能開拓封疆。奄有荆楚。亦一世之雄也。所惜者昧于強弱之勢。眩于先後之機。我聖祖在金陵。可與合從而不可畜者。乃先自相仇敵。攻戰至無虛日。至于河南形勝之地。韓林兒。劉福通輩。又皆非戡定之才也。顧不能進

取襄鄧以窺中原。其策已繆。知其東下也。金陵無釁可  
乘。則擁衆遠涉江湖。以取龍江之敗。及我。聖祖出援安  
豐。金陵可乘矣。乃老師南昌而不能擣根本之虛。雖天命  
有在。未可力爭。而用兵之道。當如是哉。况其器小而志驕。  
性猜而多忌。拔一太平。遽稱大號。至以受命之禮。于草莽  
行之。而安慶南北屏蔽。守難其人。乃不能容一趙普勝。其  
視我。聖祖之宏規偉度。天壤懸絕矣。豈待決彭蠡之戰。  
而後勝負可分邪。雖然我。聖祖之所以得肆力于友諒  
者。則以士誠之乏。遠畜耳。觀其鄱陽之戰。亟命徐達歸守。

建康友諒既殂。諸將勸之西。颺武昌。竟不從而班師者。秦  
拳以東吳之乘虛為慮耳。但英雄駕御之術。不欲以機事  
告人。而區區戎簡。豈足以測聖心哉。士誠坐守吳會。  
而不能出一旅以擾金陵。則秦所以成滅漢之功也。天之  
所興。固非人力之所能禦哉。圖

浙江



浙江圖書館



浙江圖書館



浙江圖書館


浙江圖書館善本

甲 登記號：030046

一九 年 月 日





浙江圖書館





浙江圖書館



Centimetres

**TIFFEN** Color Control Patches

© The Tiffen Company, 2007

Blue   Cyan   Green   Yellow   Red   Magenta   White   3/Color   Black